



Convencion di Kiwanis

Discurso di orador di honor durante e convencion organisa na Aruba

Minister di Asuntonan Social, Hubentud y Labor drs. Paul Croes tabata e orador di honor durante e Division Council meeting di Kiwanis International.

Un discurso relata na hubentud su balor pa nos pais. Minister Paul Croes kende tambe ta un miembro di Kiwanis Palm Beach desde 2006, a muestra cu e clubnan y in-

stancianan manera Kiwanis ta apoya famianan y gobierno den crea lidernan den nos pais.

Dilanti un audiencia di mas di 300 invitado local y internacional, Minister Paul Croes a muestra riba e resultado di e estudio nacional riba norma y balornan di nos hobennan na Aruba. Minister Croes a ripiti un parti di un discurso importante cu a wordo haci pa

J.F. Kennedy na 1961, y Minister Paul Croes a bisa: "No puntra locual bo pais por haci pa hoben, pero kico hobennan por haci pa nan pais.

Referiendo na e balor di hubentud pa desaroyo di nos pais. Minister Paul Croes durante e ultimo tempo cada bes mas ta muestra riba e balor di nos hobennan y con pa sigui motiva y curasha nan pa

sigui participa na desaroyo di Aruba.

E audiencia local y internacional cu a conta cu presencia di Gobernador di Aruba Fredis Refunjol, Minister President Mike Eman y diferente Gobernadornan di Kiwanis tabata entre esunnan presente. Minister Croes a gradici Kiwanis Palm Beach, Kiwanis Aruba y Kiwanis Young Profesional, tambe

tur e organisacionnan di hubentud di Kiwanis pa e aportacion na nos sociedad. "E balor di boso esfuerso, energia, financia y amor na nos muchanan y nos hobennan ta sumamente importante pa nos pais. Mescos ta conta pa Kiwanis Internacional cu ta e forsa cu ta apoya muchanan y hobennan rond di mundo", Minister Paul Croes a termina bisando. □